



Broj: 01/6-50-1-32-13/05
Sarajevo, 21.03.2005.

Primljeno:			
Org. jed.	Broj	Prilog	Vrijednost

ZAPISNIK

sa 13. sjednice Komisije za saobraćaj i komunikacije

Sjednica je održana 21.03.2005. godine sa početkom u 11,00 sati.

Sjednici su prisustvovali članovi Komisije:

- | | |
|-----------------------|---------------------|
| 1. Miloš Jovanović, | 5. Adem Huskić, |
| 2. Muhamed Moranjkić, | 6. Izet Hadžić |
| 3. Ivo Lozančić, | 7. Ruža Sopta |
| 4. Selim Bešliagić, | 8. Milorad Živković |

Član Komisije Nenad Mišić, je opravdao odsustvo zbog službenog putovanja.

Sjednici su prisustvovali: poslanik Filip Andrić - ispred Kluba poslanika HDZ, Zdravko Šavija - predstavnik Vijeća ministara BiH kao predlagača, Daniell Lindvall – ispred Ureda Visokog predstavnika, Frane Marojević – ispred Evropske komisije, sekretar Komisije Vedran Hadžović, i Isanović Edin iz Istraživačkog centra PS BiH.

Predsjedavajući Miloš Jovanović je predložio sljedeći:

DNEVNI RED

1. Verifikacija Zapisnika sa 12. sjednice održane 11.03.2005. godine
2. Prijedlog zakona o Javnom radio-televizijskom sistemu Bosne i Hercegovine, predlagač Vijeće ministara BiH,
3. Ostala pitanja.

Dnevni red je jednoglasno prihvaćen.

Ad. 1. Verifikacija Zapisnika sa 12. sjednice održane 11.03.2005. godine

Komisija je jednoglasno verifikovala zapisnik sa 12. sjednice.

Ad. 2. Prijedlog zakona o Javnom radio-televizijskom sistemu Bosne i Hercegovine, predlagač Vijeće ministara BiH

Prije otvaranja rasprave predsjedavajući je konstatovao da su na predloženi zakon amandmane uložili: Klub poslanika HDZ i poslanik Selim Bešliagić, a da je poslanik Nikola Špirić povukao svoje amandmane.

Predsjedavajući Komisije je otvorio opću raspravu o načelima Prijedloga zakona.

odne napomene dao je predstavnik predlagača, Zdravko Šavija, savjetnik Ministarstva za saobraćaj i komunikacije.

U raspravi, u kojoj je preovladala dilema I potreba za uvođenjem tri TV kanala su učestvovali: Miloš Jovanović, Muhamed Moranjkić, Ruža Sopta, Selim Bešliagić, Filip Andrić, Izet Hadžić, Milorad Živković, Frane Marojević i Adem Huskić.

Nakon kraće pauze i konsultacija, Komisija je zaključila:

a) da od Ministarstva za saobraćaj i komunikacije zatraži:

1. Da sa Klubom poslanika HDZ u Predstavničkom domu, do 03. 04. 2005. godine, razmotri amandmane ovog kluba podnesene na Prijedlog zakona o Javnom radio-televizijskom sistemu Bosne i Hercegovine, uz prisustvo predstavnika OHR-a i Evropske Komisije u BiH i da o svom stavu obavijesti Komisiju.
2. Da Komisiji u istom roku dostavi okvirnu finansijsku procjenu cijene koštanja uvođenja dodatna dva TV kanala u okviru Javnog RTV servisa BiH.

b) da od Javnog RTV servisa BiH zatraži da, do 01. 04. 2005. godine Komisiji dostavi:

1. Podatak o okvirnim sredstvima koja su potrebna da bi se obezbjedila potpuna pokrivenost cjelokupne teritorije BiH RTV signalom, te okvirnu finansijsku procjenu cijene koštanja uvođenja dodatna dva TV kanala u okviru Javnog RTV servisa BiH;
2. Okvirnu finansijsku procjenu cijene koštanja uvođenja dodatna dva TV kanala u okviru Javnog RTV servisa BiH;
3. Izvještaj o nalazima revizije finansijskog poslovanja Javnog RTV servisa BiH za 2004. godinu.

c) da, nakon realizacije zaključka pod a) i b), održi sjednicu na kojoj bi razmotrili Prijedlog zakona o Javnom radio-televizijskom sistemu Bosne i Hercegovine.

Ad. 3. Ostala pitanja

Komisija je obavještena da je od Ministarstva za saobraćaj i komunikacije zatraženo **da do 28. 03. 2005. godine** dostave pismeno očitovanje u formi amandmana na **Prijedlog zakona o osnovama bezbjednosti saobraćaja na putevima u Bosni i Hercegovini**, sa kratkim obrazloženjem amandmana, kako bi članovi komisije mogli pripremiti odgovarajuće amandmane. Dogovoreno je da se na sjednici Komisije, nakon rasprave o rezultatu provedenog javnog saslušanja Komisija izjasni o Prijedlogu zakona o osnovama bezbjednosti saobraćaja na putevima u Bosni i Hercegovini i amandmanima.

Kako nije bilo drugih prijedloga za ovu tačku dnevnog reda predsjedavajući je u 13,45. sati zaključio sjednicu.

SEKRETAR KOMISIJE
Vedran Hadžović

PREDSJEDAVAJUĆI KOMISIJE
Miloš Jovanović